

Ich solt iuch engele grüezen ouch,  
 wan daz ich bin niht gar ein gouch:  
 waz habet ir der heiden noch zerstöeret?  
 sit iuch nieman siht noch nieman høeret,  
 5 sagent, waz hânt ir noch dar zuo getân?  
 möht ich got stille als ir gerechen,  
 mit wem solt ich mich besprechen?  
 ich wolte iuch hêrren ruowen lân.

Hêr Michahêl, hêr Gabriêl,  
 10 hêr tiufels viênt Raphahêl,  
 ir pflegent wisheit sterke und arzenie,  
 dar zuo hânt ir engelkœre drie,  
 die mit willen leistent iwer gebot:  
 welt ir mîn lop, sô sint bescheiden  
 15 und schadent allerêrst den heiden:  
 lopt ich iuch ê, daz wære ir spot.

Man hôhgemâc, an friunden kranc,  
 daz ist ein swacher habedanc:  
 baz gehilfet friuntschaft âne sippe.

20 lâ einen sîn geborn von kûneges rippe:  
 er enhabe friunt, waz hilfet daz?  
 mâgshaft ist ein selwachsen êre:  
 sô muoz man friunde verdienen sêre.  
 mâc hilfet wol, friunt verre baz.

25 Swer sich ze friunde gewinnen lât  
 und ouch dâ bi die tugende lât  
 daz er sich âne wanken lât behalten,  
 des friundes mac man gerne schône walten.  
 ich hân eteswenne friunt erkorn

30 sô sinewel an sîner stæte,  
 swie gerne ich in behalten hæte,  
 daz ich in müeste hân verlorn.

Swer mir ist slipfic als ein is  
 und mich ûf hebt in balles wis,  
 35 sinewell ich dem in sînen handen,  
 daz sol zunstæte nieman an mir anden,  
 sit ich dem getriuwen friunde bin  
 einlœtic unde wol gevieret.

*Ziener ann. f. 3.*

*Freid. 97. 16. 17.*

*Haupt z. 2. 2. 2. 2. 2. 2. 2. 2. 2. 2.*